

古今圖書集成

中華書局影印

第二十六冊

方輿彙編

邊裔典

西夏部 瓜沙部 注輦部 渴石部 占八
 里部 西洋瑣里部 安定部 瑣
 番僧部 阿端部 哈梅里部 尼八刺部
 哈烈部 曲先衛部 長河西魚
 通寧遠部 西洋古里部 速觀
 嵩部 土魯番部 柳城部 火州部 小葛蘭部 阿
 魯部 加異勒部 甘巴里部
 八答黑商部 俺都淮部 董卜
 韓胡部 急蘭丹部 沼納樸兒
 部 俺的干部 哈實哈兒部

五

三

三

(卷)

失刺思部 卜花兒部 亦思弗
 罕部 阿速部 沙鹿海牙部
 達失干部 賽藍部 養夷部
 迭里迷部 黎伐部 那孤兒部
 日落部 米昔兒部 納失者
 罕部 阿哇部 沙哈魯部 白
 松虎兒部 答兒密部 乞力麻
 兒部 敏真部 馬哈麻部 柔
 佛部 默德那部 天方部 坤
 城部 討來思部 黑婁部 哈
 失哈力部 朵兒只部 打喇兒
 寨部 魯迷部
 西方未詳諸國部
 南方諸國總部
 貫胥部 安南部


七

六

(卷)

古今圖書集成

中華書局影印



欽定古今圖書集成方輿彙編邊裔典

第八十卷目錄

西夏部彙考二

宋一 慶曆五則 嘉祐三則 英宗治平二則

邊裔典第八十卷

西夏部彙考二

宋二

慶曆元年春二月元昊寇渭州環慶路馬步軍副總管任福敗於好水川夏四月以資政殿學士陳執中同陝西馬步軍都總管兼經略安撫沿邊招討等使知永興軍秋七月元昊寇麟州八月寇金明砦破寧遠砦砦主王世宣兵馬監押王顯死之陷豐州知州王餘慶兵馬監押孫吉死之

按宋史仁宗本紀云云 按夏國傳慶曆元年二月攻渭州逼懷遠城韓琦徹巡邊至高平盡發鎮戎兵及募勇士得萬人命行營總管任福等併擊之都監桑慆爲前鋒鈴轄朱觀都監武英繼之福申令持重其父宿三川夏人已過懷遠東南翌日諸軍躡其後西路巡檢常鼎劉肅與夏人對壘於張家堡慆以騎兵趣之福分兵又與慆爲一軍屯好水川川與能家川隔在隴山外觀英爲一軍屯籠洛川相離五里期以明日會兵不使夏人一騎遁然已陷其伏中矣元

昊自將精兵十萬營於川口候者言夏人有數不多兵益進詰曰福與慆循好水川西去未至羊牧隆城五里與夏軍遇慆爲先鋒見道傍置數銀泥合封襲謹密中有動躍聲疑其敢發福至發之乃憑哨家鴿百餘自合中起盤飛軍上於是夏兵四合慆先犯中軍繼之自辰至午酣戰陣中忽樹鮑老旗長二丈餘慆等莫測既而鮑老揮右則右伏出揮左則左伏出翼而襲之宋師大敗慆劉肅及福子懷亮皆戰沒小校劉進勸福自拔福不聽力戰死初渭川都監趙津將瓦亭寨騎兵三千餘爲諸將後繼是日朱觀武英兵會能家川與夏人遇陳合王珪自羊牧隆城以屯兵四千五百人助觀略陣陣堅不可動英重傷不能出軍戰自午至申夏軍益至東陣步兵大潰衆遂奔珪英津及參軍耿傳除將李簡都監李禹享劉均皆死於陣觀以千餘人保民垣發矢四射會暮夏軍引去將校士卒死者萬三百人關右震動軍須日廣三司告不足仁宗爲之盱食宋庠請修潼關以備衝突秋夏人轉攻河東及麟府不能下乃引兵攻豐州城孤無援遂據之又破寧遠砦也要害絕麟府餉道楊偕始請棄河外保合河津帝不許會張亢管勾麟府軍馬事破之於柏子又破之於兔毛州亢立十餘柵河外始固元昊雖數勝然死亡創痍者相半人困於點集財力不給國中爲十不如之謠以怨之 按韓琦傳琦爲體量安撫使趙元昊反琦適自蜀歸論西師形勢甚悉即命爲陝西安撫使劉平與賊戰敗爲所執時辛入他誣收繫平子弟琦辨直其冤進樞密直學士副夏竦爲經略安撫招討使詔遣使督出

兵琦亦欲先發以制賊而合府固爭元昊遂寇鎮戎琦畫攻守二策馳入奏仁宗欲用攻策執政者難之琦言元昊雖傾國入寇衆不過四五萬人吾逐路重兵自爲守勢分力弱遇敵輒不支若併出一道鼓行而前乘賊驕情破之必矣乃詔鄜延涇原同出征既還營元昊來求盟琦曰無約而請和者謀也命諸將戒嚴賊果犯山外琦悉兵付大將任福令自懷遠城趣德勝砦出賊後如未可戰即據險置伏要其歸及行戒之至再又移檄申約苟違節度雖有功亦斬福竟爲賊誘沒於好水川竦使人收散兵得琦檄於福衣帶間言罪不在琦琦亦上章自劾獨奪一官知秦州尋復之 按任福傳任福知慶州復兼環慶路副總管上言慶州去蕃族不遠願勒兵境上按亭堡謹斥堠因經度所過山川道路以爲緩急攻守之備帝益善之聽便宜從事夏人寇保安鎮戎軍福與子懷亮姪婿成嵩自華池鳳川鎮聲言巡邊召諸將率制敵勢行至柔遠砦犒蕃部即席部分諸將攻白豹城夜漏未盡抵城下四面合擊平明破其城縱兵大掠焚巢穴獲牛馬橐駝七千有餘委聚方四十里平骨咩等四十一族以功拜龍神衛四廂都指揮使賀州防禦使改侍衛馬軍都虞候康定二年春朝廷欲發涇原鄜延兩路兵西討詔福詣涇原計事會安撫副使韓琦行邊趨涇原聞元昊謀寇渭州琦亟趨鎮戎軍盡出其兵又募敢勇得萬八千人使福將之以耿傳參軍事涇原路駐泊都監桑慆爲先鋒鈴轄朱觀都監武英涇州都監王珪各以所部從福節制琦戒福等併兵自懷遠城趨得勝砦至羊牧隆城出敵之

後諸岩相距纔四十里道近糧餉便度勢未可戰則據險設伏待其歸邀擊之福引輕騎數千趨懷遠城捺龍川遇鎮戎軍西路巡檢常鼎劉肅與敵戰於張家堡南斬首數百夏人棄馬羊橐駝伴北悍引騎趨之福踵其後謀傳敵兵少福等頗易之薄暮與悍合軍屯好水川觀英屯籠落川相距隔山五里約翌日會兵川口路既遠芻餉不繼士馬乏食已三日追奔至籠竿城北遇夏軍循川行出六盤山下距羊牧隆城五里結陣諸將方知墮敵計勢不可雷遂前決戰悍馳先犯其鋒福陣未成列賊縱鐵騎突之自辰至午陣動衆傳山欲據勝地俄伏發自山背下擊士卒多墜崖塹相覆壓悍肅戰死敵分兵數千斷官軍後福力戰身被十餘矢有小校劉進者勸福自免福曰吾爲大將兵敗以死報國爾揮四刃鐵簡挺身決鬪搶中左頰絕其喉而死乃併兵攻觀英戰既合王珪自羊牧隆城引兵四千陣於觀軍之西渭州駐泊都監趙津將瓦亭騎兵二千繼至珪屢出略陣陣堅不可破英重傷不能視軍敵兵益至官軍遂大潰英津珪傳皆死內殿崇班賁寶西頭供奉官王慶侍禁李簡李禹亨劉鈞亦戰沒軍校死者數十人土死者六千餘人唯觀以兵千餘保民垣四嚮縱射會暮敵引去與福戰處相距五里然其敗不相聞也福子懷亮亦死之方元昊傾國入寇福臨敵受命所統皆非素撫之兵既又分出趨利故至於甚敗按范仲淹傳元昊反召爲天章閣待制知永興軍改陝西都轉運使會夏竦爲陝西經略安撫招討使進仲淹龍圖閣直學士以副之夷簡再入相帝諭仲淹使釋前憾仲

淹頓首謝曰臣鄉論蓋國家事於夷簡無憾也延州諸岩多失守仲淹自請行遷戶部郎中兼知延州先是詔分邊兵總管領萬人鈴轄領五千人都監領三千人寇至禦之則官卑者先出仲淹曰將不擇人以官爲先後取敗之道也於是大閱州兵得萬八千人分爲六各將三千人分部教之量賊衆寡使出禦賊時塞門承平諸岩既廢用种世衡策城青澗以拒賊衝大典營田且聽民得五市以通有無又以民遠輸勞苦請建鄴城爲軍以河中同華中下戶稅租就輸之春夏徙兵就食可省糴十之三他所減不與詔以爲康定軍明年正月詔諸路入討仲淹曰正月塞外大寒我師暴露不如俟春深入賊馬瘦人饑勢易制也况邊備漸修師出有紀賊雖猖獗固已懾其氣矣鄜延密邇靈夏西羌必由之地也第按兵不動以觀其釁許臣稍以恩信招來之不然情意阻絕臣恐偃兵無期矣若臣策不効當舉兵先取綏宥據要害屯兵營田爲持久計則茶山橫山之民必挈族來歸矣拓疆禦寇策之上也帝皆用其議仲淹又請修承平末平等砦稍招還流亡定堡障通斥埃城十二砦於是羌漢之民相踵歸業久之元昊歸陷將高延德因與仲淹約和仲淹爲書戒喻之會任福敗於好水川元昊答書語不遜仲淹對來使焚之大臣以爲不當輒通書又不當輒焚之宋庠請斬仲淹帝不聽降本曹員外郎知耀州徙慶州按吳育傳育歷三司鹽鐵戶部二判官尋以本官供諫職元昊僭號議出兵討之羣臣曰元昊小醜也旋即誅滅矣育獨建言元昊雖稱蕃臣其尺賦寸租不入縣官且服叛不常

請置之示不足責且已僭與服勢必不能自削宜援國初江南故事稍易其名可以順拊而收之不報復上言宜先以文詰告諭之尚不賓姑嚴守禦不足同中國叛臣亟加征討且征討者貴在神速守禦者利於持重羌人剽悍多詐出沒不時我師乘銳見小利小勝必貪功輕進往往墮賊計中第嚴約束明烽候堅壁清野以挫其鋒時方銳意討之既而諸將多覆軍者久之無功卒封元昊爲夏國主如育所議慶曆二年秋九月趙元昊寇定川岩涇原路馬步軍副都總管葛懷敏戰沒諸將死者十四人元昊大掠渭州西去按宋史仁宗本紀云云按西夏傳元昊及歸塞門岩主高延德因之知延州范仲淹爲書陳禍福以喻之元昊使其親信野利旺榮復書語猶慢知延州龐籍言夏境鼠食稼且早元昊思納款遂令知保安軍劉拯諭旺榮言公方持靈夏兵倘內附當以西平茅土分冊之知青澗城种世衡又遣王嵩以裘及畫龜爲書置蠟丸中遣旺榮諭以早歸之意欲元昊得之疑旺榮旺榮得之笑曰种使君亦長矣何爲此兒戲耶囚嵩窖中歲餘知渭州王沿總管葛懷敏使僧法淳持書往而旺榮乃出嵩與教練使李文貴至青澗城自言用兵以來資用困乏人情便於和籍疑其款吾軍留之數月三年復大入戰於定州宋師大敗葛懷敏死之直抵渭川大焚掠而去詔籍招納籍遣文貴還月餘元昊使文貴與王嵩以其臣榮旺其弟旺令嵬名環臥譽諍三人書議和然屈強不肯削僭號且云如日方中止可順天西行安可逆天東下籍

以其言未服乃令自請而詔籍復書許之 按葛懷敏傳懷敏霸之子以蔭授西頭供奉官加開門祇候歷同提點益州路刑獄襄鄧都巡檢使知隰莫保三州累遷東染院使康州刺史知雄州就遷西上閣門使上平燕策召對邊事復還雄州改萊州團練使瀕流砦兵叛殺官吏潰去懷敏發兵掩襲盡誅其黨在雄州五年徙滄州懷敏為王德用妹婿德用貶亦降知滁州陝西用兵起為涇原路馬步軍副總管兼涇原秦鳳兩路經略安撫副使既入對以曹瑋營所破介冑賜之令制置鄜延環慶兩路存廢若柵擺龍神衛四廂都指揮眉州防禦使本路副都總管知涇原邊捧曰天武四廂都指揮使鄜延路副都總管進殿前都虞候知延州范仲淹言其狃懦不知兵復徙涇原路兼招討經略安撫副使慶曆二年元昊寇鎮戎軍懷敏出瓦亭砦督砦主都監許思純環慶路都監劉賀天聖砦主張貴及緣邊都巡檢使向進劉湛趙瑜等禦敵軍次安邊砦給芻秣未絕懷敏輒離軍夜至開遠堡北一里而舍既而自鎮戎軍西南又先引從騎百餘以前承受趙正曰敵近不可輕進懷敏乃少止日暮趨養馬城與知鎮戎軍曹英及涇原路都監李知和王保王文鎮戎軍都監李岳西路都巡檢使趙璘等會兵聞元昊徙軍新壕外懷敏議質明襲之乃命諸將分四路趨定州砦劉湛向進出水口涇原路都監趙珣出蓮華堡曹瑛李知和出劉璠堡懷敏出定西堡知和與英督軍夜發翌日湛進行次趙福堡遇敵戰不勝保向家峽懷敏使珣英并鎮戎軍西路巡檢李良臣孟淵援之俄報敵已拔柵踰邊

壕懷敏入保定川砦敵毀板橋斷其歸路別為二十四道以過軍環圍之又絕定川水泉上流以饑渴其衆劉賀率蕃兵闖於河西不勝餘衆潰去懷敏為中軍屯塞門東偏英等陣東北隅敵自福江三葉巒會出四面環之先以銳兵衝中軍不動回擊英軍會黑風起東北部伍相失陣遂擾士卒攀城堞爭入英面被流矢仆壕中懷敏部兵見之亦奔駭懷敏為衆蹂躪幾死與致瓮城久之乃蘇復選士據門橋揮手刃以拒入城者趙珣等以騎軍四合禦敵衆稍却然大軍無鬪志珣馳入勸懷敏還軍中是夕敵聚火圍城四隅臨西北呼曰爾得非總管廳點陣圖者耶爾固能軍乃入我圍中今復何往夜四鼓懷敏召曹英趙珣李知和王保王文許思純劉賀李良臣趙瑜計議莫知所出遂謀結陣走鎮戎軍雞鳴懷敏自諭親軍左右及在後者皆毋得動平明從吾往安西堡以英珣為先鋒賀思純為左右翼知和為殿聽中軍鼓乃聽行至卯鼓未作懷敏先上馬而大軍安堵未動懷敏周麾者再將徑去有執輕者勸不可懷敏不得已而還使參謀郭京等取芻城中未至懷敏復上馬叱執轡者使去不聽拔劍且擊之士遂散懷敏驅馬東南馳二百里至長城壕路已斷敵周圍之遂與諸將皆遇害餘軍九千四百餘人馬六百餘匹為敵所斷其子宗晟與趙正郭京承受王昭明等還保定川初懷敏令軍中步兵毋得動及前陣已去後軍多不知者故皆得存時韓寶那從政胡息以兵六千保蓮花堡劉湛向進兵一千保向家峽皆不赴援於是敵長驅抵渭州幅員六七百里焚蕩廬舍屠掠民畜而去

奏至帝嗟悼久之贈懷敏鎮戎軍節度使兼太尉英知和劉保文質岳貴璘思純良臣及同時戰沒者及涇原巡檢楊遵範卒城巡檢姚東涇原都巡檢司監押董謙同巡檢唐斌指使霍達皆贈官有差復降向進等官落那從政趙瑜懷敏通時事善候人情故多以才薦之及用為將而輕率昧於應變遂至覆軍帝念之賜諡忠愍 按滕宗諒傳宗諒知涇州葛懷敏軍敗於定州諸郡震恐宗諒顧城中兵少乃集農民數千戎服乘城又募勇敢謀寇遠近及其形勢檄報旁郡使為備會范仲淹自環慶引蕃漢兵來援時天陰晦十餘日人情憂沮宗諒乃大設牛酒迎犒士卒又籍定川戰沒者於佛寺祭酹之厚撫其孀使各得所於是邊民稍安仲淹薦以自代擢天章閣待制 按王沿傳沿為涇州觀察使元昊入寇副都總管葛懷敏率兵出捍沿教懷敏率兵據瓦亭待之懷敏進兵鎮戎沿以書戒勿入第皆城為砦以羸師誘賊賊至發兵擊之可有功懷敏不聽進至定川果為所敗賊乘勝犯渭州沿率州人乘城多張旗幟為疑兵賊遂引去坐懷敏敗復為龍圖閣直學士刑部郎中 按周美傳美遷天武都虞候元昊反陝西用兵經略使夏竦薦其材擢供備庫使延州兵馬都監夏人既破金明諸砦美請於經略使范仲淹曰夏人新得志其勢必復來金明當邊衝我之弊也今不亟完將遂失之仲淹因屬美復城如故數日賊果來其衆數萬薄金明陣於延安城北三十里美領衆二千人戰抵暮援兵不至乃徙軍山北多設疑兵夏人望見以為救至即引去既而復出艾蒿砦遂至郭北平夜

關不解美率衆使人持一炬從間道上山益張旗幟四面大噪賊懼走獲牛羊橐駝鎧甲數千計遂募兵築萬安城而還敵復寇金明美引兵由盧家堡並北山而下敵即引却遷文思使徒知保定軍經略使龐籍表留之改東路都巡檢使敗敵於金湯城焚其族部二十一元昊大入據承平告諸將會兵議攻討洛苑副使种世衡請齋三日糧直擣敵穴美曰彼知吾來必設伏待我不如間道掩其不意世衡不聽美獨以西兵出芙蓉谷大破敵世衡等果無功未幾敵復略土地皆美迎擊於野家店追北至拓跋谷大敗其衆以功遷右驍驍使軍還築柵於慈梅官道谷以據敵路令士卒益種營田歲收穀六千斛復率衆繇驪子部西濟大理河屠割萬多移二百帳焚其積聚以歸按張元傳元改都鈴轄屯延州會元昊益熾以兵圍河外康德與無守禦才屬戶豪也囉叛去導夏人自後河川襲府州兵至近道纔覺而蕃漢民被殺掠已衆攻城不能下引兵屯琉璃堡縱遊騎鈔麟府間二州閉壁不出民乏飲黃金一兩易水一杯時豐州已爲夏人所破麟府勢孤朝廷議棄河外守保德軍未果徙元爲并代都鈴轄管勾麟府軍馬事單騎叩城出所授勅示城上門啓既入卽縱民出采薪芻汲澗谷然夏人猶時出鈔掠元以州東焦山有石炭穴爲築東勝堡下城旁有蔬畦爲築金城堡州北沙坑有水泉爲築安定堡置兵守之募人獲於外腰鑲與衛送者均得其時禁兵皆敗北無鬪志乃募役兵敢戰者夜伏隘道邀擊夏人遊騎比明有持首級來獻者元以錦袍賜之禁兵始奮奮曰我顧不若彼乎

又縱使飲博方窘乏幸利咸願一戰元知可用始謀擊琉璃堡使謀伏敵旁草中見老羌方炙羊髀占吉凶驚曰明當有急兵且趨避之皆笑曰漢兒皆藏頭膝間何敢元知無備夜引兵襲擊大破之夏人棄堡去乃築宣威砦於步驄捍寇路時麟州饋路猶未通敕元自護貨物送麟州敵既不得鈔遂以兵數萬趨柏子砦來邀元所將才三千人元激怒之曰若守已陷死地前關則生不然爲賊所屠無餘也士皆感厲會天大風順風擊之斬首六百餘級相蹂踐赴崖谷死者不可勝計奪馬千餘匹乃修建寧砦夏人數出爭遂戰於兔毛川元自抗以大陣而使驍將孫岳伏短兵強弩數千於山後元以萬勝軍皆京師新募市井無賴子弟罷勇不能戰敵目曰東軍素易之而怯虎翼軍勇悍陰易其旗以誤敵敵果趣東軍而值虎翼卒搏戰良久伏發敵大潰斬首二千級不踰月築清塞百勝中候建寧鎮川五堡麟府之路始通元復奏今所通特一徑耳請更增並邊諸柵以相維持則可以廣田牧壯河外之勢議未下會契丹欲渝盟領果州團練使知瀛州葛懷敏敗遷四方館使涇原路經略安撫招討使知渭州元聞詔即行及至敵已去鄭戡統四路元與議不合遷引進使并代副都總管按王堯臣傳陝西用兵爲體量安撫使將行請曰故事使者所至稱詔存問官吏將校而不及於民自元昊反三年於今關中之民凋弊爲甚請以詔勞來仍諭以賊平獨租賦二年仁宗從之使還上言陝西兵二十萬分屯四路然可使戰者止十萬賊衆入寇嘗數倍官軍彼以十戰一我以一戰十故三

至而三勝由衆寡不侔也涇原近賊巢穴最當要害宜先備之今防秋甚邇請益團土兵以二萬屯渭州爲鎮戎山外之援萬人屯涇州爲原渭聲勢二萬屯環慶萬人屯秦州以制其衝突且賊之犯邊不思不能入思不能出也並塞地形雖險易不同而兵行須由大川大川率有砦柵爲控扼賊來利在虜掠人自爲戰故所向無前若延州之金明塞門砦鎮戎之劉播定川堡渭州山外之羊牧隆城靜邊砦皆不能扼其來故賊不患不能入也既入漢地分行鈔略驅虜人畜劫掠財貨士馬疲困奔趨歸路無復鬪志若以精兵扼險強弩注射旁設奇伏斷其首尾且追且擊不敗何待故賊之患在不能出也賊屢乘戰勝重掠而歸諸將不能追擊者由兵寡而勢分也若尚循故轍必無可勝之理又論延州鎮戎軍渭州山外三敗之由皆爲賊先據勝地誘致我師將帥不能據險擊歸而多倍道趨利兵方疲頓乃與生羌合戰賊始從鐵騎衝我軍繼以步兵挽強注射鋒不可當遂致掩覆此主帥不思應變以懲前失之咎也願救邊吏常遠斥堠遇賊至度遠近立營砦然後量敵奮擊毋得輕出詔以其言戒邊吏時韓琦坐好水川兵敗徙秦州范仲淹亦以擅復元昊書降耀州堯臣言二人者皆忠義智勇不當置之散地又薦种世衡狄青有將帥才明年賊果自鎮戎軍原州入寇敗葛懷敏奔勝掠平涼潘原關中震恐自邠涇以東皆閉壘自守仲淹自將慶州兵捍賊賊引去仁宗思其言乃復以琦仲淹爲招討使置府涇州益屯兵三萬人而使堯臣再安撫涇原初曹瑋開山外地置龍竿等四砦募弓

箭手給田使耕戰自守其後將帥失撫御稍侵奪之衆怨怒遂切德勝砦將姚貴閉城叛堯臣適過境上作書射城中諭以禍福衆遂出降乃爲申明約束如舊而去既還上言自陝西用兵夏竦陳執中並以兩府舊臣爲陝西經略安撫招討使韓琦范仲淹止爲經略安撫副使既而張存知延州王沿知渭州張奎知慶州俱是學士待制之職亦止管勾本路總管司事及竦執中罷四路置帥遂各帶都總管及經略安撫招討等使因而武臣副總管亦爲副使今琦仲淹龐籍既爲陝西四路都總管緣邊經略安撫招討等使四路當聚節制而尚帶經略使名者九人各置司行事名號不異而所稟非一今諸路都總管副總管並罷經略只充緣邊安撫使既而滕宗諒亦以爲請遂罷之又言鄜延環慶路皆險固易守惟涇原自漢唐來爲衝要之地自鎮戎軍至渭州沿涇河大川直抵涇邪略無險阻雖有城砦據平地賊徑交屬難以捍防如郭子儀渾瑊常宿重兵守之自元昊叛命數年由此三人寇朝廷置帥府於涇州爲控扼關陝之會誠合事機然頻經敗覆邊地空虛士氣不振願深監近弊精擇將佐其新集之兵未經訓練宜易以舊人儻一路兵力完實則賊不敢長驅入寇矣因論沿邊城砦控扼要害賊徑通屬及備禦輕重之策爲五事上之又請涇原五州營田益置弓箭手及請徹潼關樓櫓皆報可 按景泰傳景泰字周卿普州人進士起家補訪州軍事推官後以尚書屯田員外郎通判慶州即上言元昊雖稱臣誠恐包藏禍心當選主將練士卒修城池儲資糧以備不虞三疏不報元

昊反又上邊臣要略二十卷遷都官知減州奏平戎策十有五篇會有薦泰知兵者召對稱旨換左藏庫使知寧州任福敗徙原州元昊衆十萬分二道一出劉璠堡一出彭陽城入攻渭州葛懷敏援劉璠戰崆峒北敗接敵騎逾平涼至潘原泰帥兵五千從間道赴原而先鋒左班殿直張迥迥迥不進泰斬以徇遇敵彭陽西裨將夏侯觀欲退守彭陽泰弗許乃依山而陣未成列敵騎來犯泰陰遣三百騎分左右翼張旗幟爲疑兵敵欲遁去將校請進擊泰止之遣士搜出果得伏兵與戰斬首千餘級功遷西上閣門使按范仲淹傳葛懷敏敗於定川賊大掠至潘原關中震恐民多竄山谷間仲淹率衆六千由邪涇援之聞賊已出塞乃還始定川事聞帝按圖謂左右曰若仲淹出援吾無憂矣奏至帝大喜曰吾固知仲淹可用也進樞密直學士右諫議大夫仲淹以軍出無功辭不敢受命詔不聽時已命文彥博經略涇原帝以涇原傷夷欲對徙仲淹遣王懷德喻之仲淹謝曰涇原地重第恐臣不足當此路與韓琦同經略涇原並駐涇州琦兼秦鳳臣兼環慶涇原有警臣與韓琦合秦鳳環慶之兵犄角而進若秦鳳環慶有警亦可率涇原之師爲援臣當與琦練兵選將漸復橫山以斷賊臂不數年間可期平定矣願許龍籍兼領環慶以成首尾之勢秦州委文彥博慶州用滕宗諒總之孫沔亦可辦集渭州一武臣足矣帝未用其言復置陝西路安撫經略招討使以仲淹韓琦龐籍分領之仲淹與琦開府涇州而徙彥博帥秦州諒帥慶州沔帥渭仲淹爲將就令明白愛撫士卒諸羌來者推心接之

不疑故賊亦不敢輒犯其境元昊請和召拜樞密副使慶曆三年春正月元昊自名曩霄遣人來納款稱夏國按宋史仁宗本紀云云 按夏國傳三年元昊遣六宅使伊州刺史賀從勛與文貴俱來稱男邦泥定國元卒上書父大宋皇帝更名曩霄而不稱臣元卒即吾祖也如可汗號議者以爲改吾祖爲元卒特以侮玩朝廷不可許詔遣邵良佐張士元張子實王正倫更往議且許封冊爲夏國主而元昊亦遣如定率捨張延壽楊守素繼來 按吳育傳育進翰林學士累遷禮部郎中契丹與元昊構兵元昊求納款契丹使來請勿納元昊朝廷未知所答育因上疏曰契丹受恩爲日已久不可納一叛羌失繼世兄弟之權今二蕃自鬪鬪久不解可觀形勢乘機立功萬一過計亟納元昊臣恐契丹窺兵趙魏朝廷不得元昊毫髮之助而太行東西且有煙塵之警矣宜使人諭元昊曰契丹汝世姻一旦自絕力屈而歸我我所疑也若無他者當順契丹如故然後許汝歸款告契丹曰已詔元昊如能投謝轅門即聽內附若猶堅拒當爲討之如此則彼皆不能歸罪我矣於是詔兩制出契丹書令兩制同上對不易有議按龍川別志元昊久叛邊兵屢屈秦人困弊而諸將恥於無功莫敢言和戎者雖夏人每入輒勝而國小民貧疾於點集爾獲之利不補所耗而歲賜和市之利皆絕一絹之直八九千錢上下亦厭兵矣而元昊悖慢已甚亦難於款塞張安道爲諫官乞因郊需許

諸帥納其自新之請以安西界生靈其言甚美仁宗覽之大喜退見許公政府公亦喜曰舍人有此言社稷之福也是歲勅書即行之自是邊臣乃敢受元昊降款戎夏皆獲息肩仁宗以至仁御物而許公審於安危之計不徇虛名不貪小利故讜言正論聞則能用雖遭元昊之變而不失太平之業有以也夫

慶曆四年夏五月曩霄遣人來復稱臣冬十月賜曩霄誓詔歲賜銀絹茶綠凡二十五萬五千

按宋史仁宗本紀云云 按夏國傳四年始上誓表言兩失和好遂歷七年立誓自今願藏盟府其前日所掠將校民戶各不復還自此有邊人逃亡亦毋得襲逐臣近以本國城岩進納朝廷其柁柁鏹刀南安承平故地及他邊境蕃漢所居乞畫中爲界於內聽築城堡凡歲賜銀絹茶二十五萬五千乞如常數臣不復以他相干乞願誓詔蓋欲世世遵守求以爲好倘君親之義不存或臣子之心渝變使宗祀不永子孫罹殃詔答曰朕臨制四海廓地萬里西夏之土世以爲朕今乃納忠悔咎表於信誓質之日月要之鬼神及諸子孫無有渝變申復懇至朕甚嘉之俯聞來誓一皆如約十二月遣尚書祠部員外郎張子奭充開禮使東頭供奉官閤門祇候張士元副之仍賜對衣黃金帶銀鞍勒馬銀二萬兩絹二萬匹茶三萬斤冊以漆書竹簡籍以天下樂錦金塗銀印方二寸一分文曰夏國主印錦綬塗金銀牌綠冊法物皆銀裝金塗覆以紫繡約稱臣奉正朔改所賜勅書爲詔而不名許自置官屬使至京就驛買賣坐榮殿使至其國相見用賓客禮置榷場於保安軍及高平砦

第不通青鹽然宋每遣使往館於宥州終不復至與靈而元昊帝其國中自若也是歲遼夾山部落采兒族八百戶歸元昊與宗貴還元昊不遣遂親將騎兵十萬出金肅城弟天齊王馬步軍大元帥將騎七千出南路韓國王將兵六萬出北路三路濟河長驅與宗入夏境四百里不見敵據得勝寺南壁以待八月五日韓國王自賀蘭北與元昊接戰數勝之遼兵至者日益夏乃請和退十里韓國王不從如是退者三百餘里矣每退必藉其地遼馬無所食因許和夏乃遷延以老其師而退之馬益病因急攻之遂敗復攻南壁與宗大敗入南樞王肅孝友皆擒其鶻突姑附馬與宗從數騎走元昊縱其去元昊五月五日生國人以其日相慶賀又以四孟朔爲節凡五娶一曰大遼興平公主二曰宣穆惠文皇后沒藏氏生諒祚三曰憲成皇后野力氏四曰妃沒藏氏五曰索氏按開見近錄自真宗皇帝澶淵之幸朝廷不復講武寶元中元昊始造介稱教練都使乞於其國中自稱兀卒又乞五音爲六當時朝議既以天下久太平未嘗議經武之策而石元孫劉平輩輒盛言兵以賊爲可討獨吳春卿上疏曰彼之國中自號兀卒而六音且奉正朔臣子之分如常可姑從之而我治武備以待其變張文定亦繼有請今武備不講宜如吳育之議固可爲邊備俟其無厭則我有以待之也朝議非之元昊既不得請再遣使乃稱閤門使邊臣乃舉兵由是寶元慶曆西師累年內外騷動至明堂當大霽仁宗問張文定敕目文定建言乞示西人招徠之意上欣納之曰朕意也於是元昊入貢西方以寧

按石林燕語元昊叛王師數出不利仁宗頗厭兵呂文靖公遂有赦罪招徠之意而范文正韓魏公持不可欲經營服之龐穎公知延州乃密喻穎公令致意於吳時吳用事大臣野利旺榮適遣牙校李文貴來穎公留之未遣因言虜方驟盛若中國先遣人必偃蹇不受命不若因其人自以己意令以逆順禍福歸告乃遣文貴還已而旺榮及其類曹偶四人果皆以書來然猶用敵國禮公以爲不遜未敢答以聞朝廷幸其至起使爲答書稱旺榮等爲太尉且曰元昊果肯稱臣雖仍其僭名可也穎公復論僭名豈可許太尉天子三公若陪臣而得稱則元昊安得不僭旺榮等書自稱甯令謨此其虜中官號姑以此復之則無嫌乃徑爲答書如是往返踰年元昊遂遣其臣伊州刺史賀從勛入貢稱男邦面令國元卒郎霄上書父大宋皇帝穎公覽之謂其使曰天子至尊荆公叔父猶奉表稱臣若主可獨言父子乎從勛請復歸議朝廷從其策元昊遂卒稱臣

慶曆八年夏四月封曩霄子諒祚爲夏國主按宋史仁宗本紀云云 按夏國傳元昊以慶曆八年正月殂年四十六在位十七年改元開運二年廣運二年大慶二年天授禮法延祚十一年諡曰武烈皇帝廟號景宗墓號泰陵宋遣開封府判官尚書祠部員外郎曹穎叔爲祭使六宅使達州刺史鄧保信爲弔慰使賜絹一千匹布五百端羊百口麪米各百石酒百瓶及葬仍賜絹一千五百匹餘如初贈子諒祚立諒祚景宗長子也小字寧令哥國語謂歡嘉爲寧令兩名河名也母曰宣穆惠文皇后沒藏氏從

元昊出獵至此而生諒祚遂名焉以慶曆七年丁亥二月六日生八年戊子正月方期歲即位四月遣尚書刑部員外郎任顯充開禮使供備庫副使宋守約充副使冊諒祚爲夏國主按程琳傳琳爲陝西安撫使元昊死諒祚立方幼三大將分治其國議者謂可因此時以節度使使三將使各有所部分以弱其勢可不戰而屈矣琳曰幸人之喪非所以柔遠人不如因而撫之議者惜其失幾既而遣使冊命夏人方圍慶陽琳曰彼若貪此可緩慶州之難矣具禮幣賜予之數移報之果喜即日迎冊使慶陽之圍亦解書獲戎首不殺戒遣之夏人亦相戒毋捕漢民久之以五百戶驅牛羊扣邊請降且言契丹兵至衙頭矣國中亂願自歸琳曰彼詐也契丹至帳下當舉國取之豈容有來降者聞夏人方捕叛者此其是耶不然誘我也拒不受已而賊果以騎三萬臨境上以捕降者爲辭琳諜知之閉壁倒旗戒諸將勿動賊疑有備遂引去

按遼史西夏傳興宗重熙元年李德昭薨冊其子夏國公元昊爲王二年來貢十二月禁夏國使沿路私市金鐵七年來貢李元昊與興公公主不諧公主薨遣北院承旨耶律庶成持詔問之九年宋遣郭禎以伐夏來報十年夏國獻所俘宋將及生口十一年遣使問宋與師伐夏之由十二月禁吐渾羈馬於夏沿邊築障塞以防之十二年正月遣樞密都承旨王惟吉諭夏國興宗和二月元昊以上尊號遣使來賀耶律敵烈等使夏國還奏元昊罷兵遣使報宋四月夏國遣使進馬馳七月元昊上表請伐宋不從十月

夏人侵党項遣延昌宮使高家奴讓之十三年四月党項及山西節度使屈烈以五部叛入西夏詔徵諸道兵討之六月阻上子烏八執元昊八月夏使對不以情羈之使復來詢事宜不實對答之十月元昊上表請罪欲收集叛黨以獻從之進方物命北院樞密副使蕭革逐之元昊親率党項三部來降詰其納叛背盟元昊伏罪初夏人執蕭胡觀至是請以被執者來歸詔所置夏使亦遣其國十二月胡觀來歸又遣使來貢十七年元昊薨其子諒祚遣使來告上其父遺囑物鐵不得國乞以本部軍助伐夏國不許按夢溪筆談慶曆中契丹舉兵討元昊元昊與之戰屢勝而契丹至者日益加衆元昊望之大駭曰何如此之衆也乃使人行成退數十里以避之契丹不許引兵壓西師陣元昊又爲之退舍如是者三凡退百餘里每退必盡焚其草萊契丹之馬無所食因其退乃許平元昊遷延數日以老北師契丹馬益病亟數軍攻之大敗契丹於金肅城獲其僞乘輿服子婿近臣數十人而遷先是元昊後房生一子曰寤令受寤令者華言大王也其後又納沒藏訛龐之妹生諒祚而愛之寤令受之母患忌欲除沒藏氏授戈於寤令受使圖之寤令受聞入元昊之室卒與元昊遇遂刺之不殊而走諸大佐沒藏訛龐輩小寤令之明日元昊死立諒祚而舅訛龐相之

嘉祐二年夏五月管勾麟府軍馬公事郭恩爲夏人所襲歿於斷道場

按宋史仁宗本紀云云按夏國本傳嘉祐元年母沒藏氏薨遣祖儒嵬多率則慶唐及徐舜卿來告哀

詔以集賢校理馮浩尚書刑部郎中直史館爲弔慰使文思副使張惟清假文思使副之乃獻遺留馬馳以謝諒祚幼養於母族訛龐訛龐因專國政初麟州西城枕睥睨曰紅樓下瞰屈野河其外距夏境尚七十里而田腴利厚多入訛龐歲東侵不已至耕穫時輒屯兵河西經略使龐籍每戒邊將使毋得過屈野河然所距屈野河猶二十里管勾軍馬司賈逵微循見所侵田稍過督邊吏麟州守王亮懼始以事聞詔以殿直張安世賈恩爲同巡檢經制之訛龐晏然弗革迫之則格鬪緩之則歸耕經略司遣使還所侵田訛龐專爲譟言無歸意嘉祐二年遂圍兵宿境上連三月增至數萬人守將斂兵弗與戰知麟州武戡築堡於河西以爲保障役既興戡率將吏往按視遇夏人於沙嵐浪戡與管勾郭恩等欲止而走馬承受黃道元以言脅之遂夜進至臥牛峯見烽舉且鼓聲道元猶不信比明至忽里堆與夏人相去纔數十步遂合戰自旦至食時夏人四面合擊衆大潰戡走恩與道元及兵馬監押劉慶等被執安撫司遣李思道孫兆往議疆事而訛龐驚不聽久之太原府代州兵馬鈐轄蘇安靜得夏國呂寧拽浪掠衆來合議乃築堠九更新邊禁要以違約則罷和市自此始定按郭恩傳恩開封人爲秦鳳路兵馬鈐轄徙并代州鈐轄管勾麟府軍馬事夏人歲侵屈野河西池至耕穫時輒屯兵河西以誘官軍經略使龐籍每戒邊將斂兵河東毋與戰嘉祐二年自正月出屯至三月然後去通判并州司馬光行邊至河西自草平數十里無寇跡是時知麟州武戡遣判夏倚已築一堡爲候望

又與光議曰乘敵去出不意可更增二堡以據其地請遠白經略使益禁兵三千役兵五百不過二旬壁壘可城然後廢橫戎臨砦二堡徹其樓櫓從其甲兵以實新堡列烽燧以通警急從衙城紅樓之上俯瞰其地猶指掌也有急則州及橫陽堡出兵救之敵來耕則驅之種則蹂踐之敵盛則入堡以避如是則堡外必不敢耕種州西五六十里之內晏然矣籍遂檄麟州如其議五月恩及武職走馬承受公事內侍黃道元等以巡邊為名往按視之會詞者言敵兵盛屯沙黍浪恩欲止不行道元怒以言督恩夜率步騎六千四百餘人不甲者半循屈野河北而行無復部伍夏人舉火臥牛峯截指以謂恩曰敵已知吾軍至矣道元曰此爾曹故欲沮我師及聞鼓聲道元猶不信行至砦口恩欲休軍須曉乃登山道元奮衣起曰幾年聞郭恩名今日懼怯與賈逵何殊恩亦慍曰不過死耳乃行比明至忽里堆敵數十人皆西走相去數十步止恩等踞胡牀遣使騎呼之敵不應亦不動俄而起火敵騎張左右翼自南北交至堆東有堽其中

有梁謂之斷道堽恩等東據梁口與力戰自旦至食時敵自兩旁堽中攀緣而上四面合擊恩衆大潰夏倚方在紅樓見設騎自西山山下與推官劉公弼率城中諸軍閉門乘城武職走東山趣城東挾門以入恩道元及府州寧府砦兵馬都監劉慶皆被執使臣死者五人軍士三百八十七人已敵耳鼻得還者百餘人亡失器甲甚衆恩不肯降乃自殺贈同州觀察使

嘉祐六年冬十一月許夏國用漢衣冠

按宋史仁宗本紀云云 按夏國傳諒祚忌訛龐專或先訛龐將叛諒祚討殺之夷其族已而請去蕃禮從漢儀嘉祐六年上書自言慕中國衣冠明年當以此迎使者諒許之

嘉祐七年夏四月夏國主諒祚進馬求賜書詔賜九經還其馬

按宋史仁宗本紀云云 按夏國傳明年又改西壽監軍司為保泰軍石州監軍司為靜塞軍韋州監軍司為祥祐軍左廂監軍司為神勇軍遣人獻方物稱宣徽南院使諒論非陪臣所宜稱戒其僭擬使遵誓詔表求太宗御製草詩書石本且進馬五十匹求九經唐史開府元龜及宋正至朝賀儀詔賜九經還所獻馬

英宗治平三年遣使以違約數寇責夏國諒祚獻方物謝罪

按宋史英宗本紀云云 按夏國傳治平初求復權場不許既而遣吳宗等來賀英宗即位詔令門見使者不從至順天門且欲佩魚及儀物自從引伴高宜禁之不可畱止廐置一夕絕其供饋宗語不遜宜折之使如故事良久乃聽入及賜食殿門又訴於押伴張觀詔命還赴延州與宜辨宗度理屈不復置對遂詔諒祚懲約之秋夏人出兵秦鳳涇原抄熟戶擾邊塞弓箭手殺掠人畜以萬計程戡王素孫長卿諭安諸族首領防誘脇散叛遣文思副使王無忌齎詔問之諒祚遷延弗受已而因賀正使蒞茂先獻表歸罪宋邊吏三年遂大舉攻大順城分兵圍柔遠砦燒屈乞村柵殺木嶺州兵熟戶蕃官趙明合擊退之遣西

京左藏庫副使何次公詰之三月乃獻方物謝罪賜絹五百匹銀五百兩

治平四年正月以次公詰之三月乃獻方物謝罪賜主諒祚遣使謝罪秋八月復西夏和市冬十月知青澗城种諤復綏州

按宋史英宗本紀云云 按夏國傳神宗即位乃遣內殿崇班魏瑛賜以治平三年冬服銀絹供備庫副使高遵裕告哀并以英宗遺物賜之秋夏國遣使奉慰及進助山陵禮物种諤取綏州因發兵夜掩

斃名山帳脇降之諒祚乃詐為會議誘知保安軍楊定都巡檢侍其臻等殺之邊吏以聞命韓琦知永興軍經略西方諒祚錮送殺定者六宅使李崇貴右侍

禁韓道善及虜去定子仲通十二月諒祚殂年二十一在位二十年改元延嗣寧國一年天祐垂聖三年

福聖承道四年禪都六年拱化五年諡曰昭英皇帝廟號毅宗慕號安陵子秉常立 按司馬光傳西戎

部將嵬名山欲以橫山之衆取諒祚以降詔邊臣招納其衆光上疏極論以為名山之衆未必能制諒祚

幸而勝之滅一諒祚生一諒祚何利之有若其不勝必引衆歸我不知何以待之臣恐朝廷不獨失信諒

祚又將失信於名山矣若名山餘衆尚多還北不可入南不受窮無所歸必將突據邊城以救其命陛下

不見侯景之事乎上不聽遣將种諤發兵迎之取綏州費六十萬西方用兵蓋自此始矣

欽定古今圖書集成方輿彙編邊裔典

第八十一卷目錄

西夏部彙考三

宋三 神宗 熙寧五則 元豐六則 哲宗 元祐八則 紹聖三則 元符三則 徽宗 建中一則 崇寧二則 政和三則 宣和則 欽宗 靖康一則 高宗 建炎三則 紹興則 孝宗 乾道一則 淳熙一則 嘉慶則 十六則

邊裔典第八十一卷

西夏部彙考三

宋三

神宗熙寧元年春三月夏主諒祚卒遣使來告哀冬十二月賜夏國主秉常詔許納塞門安遠二砦歸其綏州

按宋史神宗本紀云云 按夏國本傳秉常殺宗之長子母曰恭肅章憲皇后梁氏治平四年冬卽位時年七歲梁太后攝政熙寧元年三月遣新河北轉運使刑部郎中薛宗道等來告哀神宗問殺楊定事宗道言殺人者先已執送之矣乃賜詔慰之并諭令上大首領數人姓名當爵祿之俟崇貴至卽行冊禮及崇貴至云定奉使諒祚常拜稱臣且許以歸沿邊熟戶諒祚遺之寶劍寶鑑及金銀物初定之歸上其劍鑑而匿其金銀寶諒祚可刺帝喜遂擢知保安既而夏人失綏州以爲定賣已故殺之至是事露帝薄崇貴等罪而削定官沒其田宅萬計 按王韶傳韶字子純江州德安人第進士調新安主簿建昌軍司理

參軍試制科不中客游陝西訪采邊事熙寧元年詣關上平戎策三篇其略以爲西夏可取欲取西夏當先復河湟則夏人有腹背受敵之憂夏人比年攻青唐不得克萬一克之必併兵南向大掠秦渭之間牧馬於蘭會斷古渭境盡服南山生羌西築武勝遣兵時掠洮河則隴蜀諸郡當盡驚擾賸征兄弟其能自保邪今唃廝囉子孫唯董氐能自立賸征欺巴溫之徒又法所及各不過一二百里其勢豈能與西人抗哉武威之南至於洮河南郡皆故漢郡縣所謂湟中浩亶大小榆枹罕土地肥美宜五種者在焉幸今諸羌瓜分莫相統一此正可并吞而兼撫之時也諸種既服唃廝囉氏敢不歸唃廝囉氏則河西李氏在吾股掌中矣且唃廝囉子孫賸征差盛爲諸羌所畏若招諭之使居武勝或渭源城使糾合宗黨制其部族習用漢法異時族類雖盛不過一延州孕士彬環州慕恩耳爲漢有肘腋之助且使夏人無所連結策之上也神宗異其言召問方略以詔管幹秦鳳經略司機宜文字按遼史西夏傳與宗重熙十八年復議伐夏畱其賀正使不遣遣北院樞密副使蕭惟信以伐夏告宋六月夏國遣使來貢畱之七月親征八月渡河夏人遁九月蕭惠爲夏人所敗十月招討使耶律敵古率阻卜軍至賀蘭山獲元昊妻及其官屬遇其軍三千來拒殲之詳穩蕭慈氏奴南刻耶律幹里歿於陣十九年正月遣使問罪於夏夏將汪普等攻之肅城耶律高家奴等破之汪普破創遁去殺猥貨乙靈紀三月殿前都點檢蕭迭里得與夏軍戰於三角川敗之招討使蕭蒲奴北院大王宜新等帥師伐夏都部署別

古得爲監戰五月蕭蒲奴等入夏境不遇敵縱軍俘掠而還夏國注普來降十月李諒祚母遣使乞依舊稱臣十二月諒祚上表如母訓二十年二月遣使索党項叛戶五月蕭父括使夏回進諒祚母表乞代党項權進馬駝牛羊等物又求唐隆鎮仍乞罷所建城邑以詔答之六月獲元昊妻及俘到夏人置於蘇州二十一年十月諒祚遣使乞弛邊備遣父括齎詔諭之二十二年七月諒祚遣使遣林牙高家奴齎詔撫諭二十三年正月貢方物五月乞進馬駝詔歲貢之七月諒祚遣使求婚十月進誓表與宗崩遣使報哀於夏二十四年道宗卽位清寧元年遣使來賀九月以先帝遺物賜夏四年四月遣使會葬九年正月禁民鬻銅於夏咸雍元年五月來貢三年十一月遣使進回鶻僧金佛梵覺經十二月諒祚薨四年二月諒祚子秉常遣使報哀卽遣使甲祭秉常上其父遺物十月開秉常爲夏國王十二月來貢 按夢溪筆談有梁氏者其先中國人爲訛曉子婦諒祚私焉日視事於國夜則從諸牧賊氏訛曉慰其謀伏甲梁氏之宮須其入以殺之梁氏私以告諒祚乃使召訛曉執於內室沒滅強宗也子弟族人在外者八十餘人悉誅之夷其宗以梁氏爲妻又命其弟乞埋爲家相許其世襲諒祚因忍好爲亂治平中遂舉兵犯慶州大順城諒祚乘駱馬張黃屋自出督戰牌者曠弩射之中乃解圍去創甚馳入一佛祠有牧牛兒不得出懼伏佛座下見其脫鞵血流於踝使人裹創昇載而去至其國死子秉常立而梁氏自主國事熙寧二年春三月秉常上誓表納塞門安遠二砦乞

綏州詔許之秋八月夏國請從舊蕃儀詔許之

按宋史神宗本紀云云 按夏國本傳二年二月遣河南監牧使劉航等冊秉常爲夏國王三月夏人入秦州陷劉溝堡殺范愿既而進誓表乞班誓詔及請以安遠塞門二砦易綏州初朝議欲官爵夏之首領計分其勢郭達以爲彼必不受詔且彼既恭順宣布以大信不當誘之以利秉常果不奉詔遣都羅重進來言曰上方以孝治天下奈何反教小國之臣叛其君哉於是前議遂罷乃賜誓詔而綏州待得二砦迺還夏主受冊而二砦不歸且欲先得綏州遣同萌訛以誓詔來言及趙禹往交地萌訛對以朝廷本欲得二砦地界非所約禹曰若然塞門二牆墟耳安用之遂罷詔城綏州八月表請去漢儀復用蕃禮從之十月遣使來謝封冊

熙寧二年秋八月夏人犯大順城知慶州李復圭使環慶路鈐轄李信等出戰敗績慶州巡檢姚兕敗夏人於荔原堡冬十一月夏人寇大順城十二月寇鎮戎軍

按宋史神宗本紀秋八月己卯夏人犯大順城知慶州李復圭以方略授環慶路鈐轄李信慶州東路都巡檢劉甫監押种詠出戰兵少取敗復圭誣信等違其節制斬信及劉甫种詠死於獄是月慶州檢巡姚兕敗夏人於荔原堡鈐轄郭慶都監高敏死之冬十月丙子知慶州李復圭擅與兵敗績誣碑將李信劉甫种詠以死御史劾之貶保靜軍節度副使十一月庚午夏人寇大順城都監燕達等擊走之十二月庚午夏人寇鎮戎軍三川砦巡檢趙普伏兵邀擊敗之

按夏國本傳三年五月夏人號十萬築開訛堡知

慶州李復圭合蕃漢兵纔三千遣偏將李信劉甫种詠等出戰信等訴以衆寡不敵復圭威以節制親畫陣圖方略授之兵進遂大敗復圭懼欲自解即執信等而取其圖略命州官李昭用劾以故違節制詠瘦死獄中斬信甫配流郭貴復出兵邛州堡夜入欄浪市掠老幼數百又藥金湯而夏人已去惟殺其老幼一二百人以功告捷而邊怨大起矣八月夏人遂大舉入環慶攻大順城柔遠砦荔原堡淮安鎮東谷西谷二砦業築鎮兵多者號二十萬少者不下一二萬屯榆林矩慶州四十里游騎至城下九日乃退鈐轄郭慶高敏魏慶宗秦勃等死之

熙寧四年春正月种詠襲夏兵於囉兀敗之遂城囉兀三月夏人陷撫寧堡种詠責授汝州團練使潭州安置

按宋史神宗本紀春正月己丑种詠襲夏兵於囉兀北大敗之遂城囉兀自是夏人日聚兵爲報復計言者以譏爲稔邊患不便庚子韓絳等言种詠領兵入西界斬獲甚衆詔遣使撫問三月丁亥夏人陷撫寧堡丙午种詠坐陷撫寧堡責授汝州團練使潭州安置丁未韓絳坐典師敗衄罷以本官知鄧州夏四月壬戌遣環慶都鈐轄開贊以兵屯邠涇河中以備西夏九月庚子夏人入貢 按夏國本傳四年正月种詠謀取橫山領兵先城囉兀進築末樂川貫通嶺二砦分遣都監趙漢燕達築撫寧故城及分荒堆三泉吐渾川開光嶺葭蘆川四砦與河東路修築各相去四十餘里二月夏人來攻順寧砦復圍撫寧折繼昌

高永能等擁兵駐細浮圖去撫寧咫尺囉兀兵勢尚完种詠在綏德節制諸軍聞夏人至茫然失措欲作書召燕達戰怖不能下筆顧轉運判官李南公涕泣不已於是新築諸堡悉陷將士千餘人皆沒初朝議以譏新築囉兀城去綏德百餘里偏梁險狹難於餽餉且城中無井泉遣李評張景憲往視之未至而撫寧陷遂詔棄囉兀城五月燕達以成卒輜重歸自囉兀爲夏人邀擊達多死亡九月夏遣使入貢且以二砦易綏州乞如舊約詔不允

熙寧五年秋八月王韶復武勝軍冬十一月河州首領瞎藥等來降以爲內殿崇班賜姓名包約

按宋史神宗本紀云云 按夏國本傳五年正月夏鈐轄結勝爲麟州步將王文郁戰降授供奉官久之謀竄歸事覺詔聽其去六月夏人還荔原堡逃背熟戶鬼遁等七十八人閏七月遣部將景思立王存以涇原兵出南路王韶由東谷徑趨武勝未至十餘里逢夏人戰遂至其城瞎藥棄城夜遁大首領曲撒四王阿南珂出奔乃城武勝十二月遣使進馬贖大藏經詔賜之而還其馬

元豐二年秋八月夏人寇綏德城都監李浦敗之 按宋史神宗本紀云云 按夏國本傳熙寧八年三月夏人以索蕃漢部盜人畜投南界者牒熙河經略司請高太尉赴三岔堡會議牒稱大安二年乃詔鄜延經略司令牒宥州問妄稱年號且牒非其地分邊臣會議皆違越生事是必夏主不知請問之夏人進奉山陵後期詔令先至永厚陵設祭後至關奉慰帝謂輔臣曰元昊昔僭號遣使上表稱臣其辭猶遜朝

廷不先詰其所以然而遽絕之縱邊民蕃部討虜故元昊嘗自謂為諸羌所立不得辭朝廷不得命不得已而變西師亟戰輒敗天下騷然仁宗悔之宣元昊僭書來獨諫官吳育謂難以中國叛臣處之或可稍易以名號議者皆以為不然卒困中原而後歲賜封冊為夏國主貝可惜哉元豐二年六月夏人自滿堂川入大會平殺防田人馬兵官李浦等逼逐出塞九月綏德把截楊永慶聲微循邊而掩取蕃部首級詐言斬犯邊人詔毀永慶出身文字送西京編管

元豐四年秋七月以夏人囚其主秉常詔陝西河東路計之九月復蘭州冬十月復通遠軍又復韋州十一月种諤師至夏州無食高遵裕師還皆貴

按宋史神宗本紀四年秋七月庚寅西邊守臣言夏人囚其主秉常詔陝西河東路計之甲午鄭延涇原環慶熙河麟府路各賜金銀帶錦襖銀器鞍轡象笏甲辰韓存寶坐逗遛無功伏誅丁未大軍進攻米脂砦八月辛酉夏人寇臨州堡詔董氈會兵伐之丁丑熙河經制李憲敗夏人於西市新城獲酋首三人首領二十餘人庚辰又襲破於女遮谷斬獲甚衆九月乙酉董氈遣使來貢且言已遣首領洛施軍篤喬阿公等將兵三萬會擊夏國李憲復蘭州古城戊子蘭州新順首領巴令調等三族率所部兵攻夏人撤捕宗城敗之丙午詔諭夏主左右并嵬名部族諸郡首領並許自歸庚戌夏兵救米脂砦鄭延經略副使种諤率衆擊破之辛亥种諤又敗夏人於無定川十月丁巳米脂砦降庚申熙河兵至女遮谷與夏人遇戰敗之乙丑涇原兵至磨多隘遇夏人與其統軍梁大

五戰敗之追奔二千里斬大首領沒囉臥沙監軍使梁格鬼等十五級獲首領統軍姪訖多理等二十二人已入銀州庚午環慶行營經略使高遵裕復通遠軍种諤遣曲珍等領兵通黑水安定堡路遇夏人與戰破之斬獲甚衆癸酉復韋州乙亥李憲敗夏人於屈吳山丁丑曲珍與夏人戰於蒲桃山敗之戊寅种諤入貢州詔諸將存撫降人十一月丁亥諸軍合攻靈州种諤敗夏人於黑水己丑李憲敗夏人於囉連川辛卯种諤降橫河平人戶破石堡城斬獲甚衆辛丑師還癸卯种諤至夏州索家平兵衆三萬人以無食而潰丙午高遵裕以師還夏人來追遂潰按夏國本傳四年四月有李將軍清者本秦人說秉常以河南地歸宋國母知之遂誅清而奪秉常政鄭延總管种諤乃疏秉常遇弑國內亂宜與師問罪此千載一時之會帝然之遂遣王中正往鄭延環慶稱詔募禁兵從者將之詔熙河李憲等以秉常見囚大舉征夏及詔諭夏國嵬名諸部首領能枚身自歸及相率共誅國讎當崇其爵賞敢有違拒者誅九族八月中正及諤言涇原環慶會兵取靈州復討興州麟府鄭延先會夏州取懷州渡會興州憲總七軍及董氈兵三萬至新市城遇夏人戰敗之王中正出麟州禡辭自言皇帝親征提兵六萬才行數里即奏已入夏境屯白草平九日不進環慶經略使高遵裕將步騎八萬七千涇原總管劉昌祚將卒五萬出慶州諤將鄭延及畿內兵九萬三千出綏德城九月諤圍米脂夏人來救戰於無定川大破之斬首五千級十月遂克米脂降守將令分訛遇進攻石州中正以河東軍

渡無定河循水北行地皆沙濕土馬多陷沒遂繼諤趨夏川而民皆潰軍無所得遵裕至清遠軍攻靈州夏人決黃河灌營復抄絕餉道士卒凍溺死餘兵纔萬三千人遂歸夏人追殺將官俞平死之中正至有州索王并糧盡士卒死亡者已二萬乃引軍還諤兵無食會大雪死遂潰入塞者纔三萬人昌祚遇夏人於磨臍隘夏之拒者二三萬人昌祚乃分兵渡葫蘆河奪其隘與統軍國母弟梁大王戰遂大破之憲營於天都山下焚夏之南牟內殿并其館庫追襲其統軍仁多唆丁敗之擒百人遂班師涇原總兵侍禁魯福彭孫護餽餉至鳴沙川與夏人三戰敗績初夏人聞宋大舉梁太后問策於廷諸將少者盡請戰一老將獨曰不須拒之但堅壁清野縱其深入聚勁兵於靈夏而遣輕騎抄絕其餽運大兵無食可不戰而困也梁后從之宋師卒無功按孫傳固同知樞密院事諜者告夏人幽其主神宗欲西討固數言舉兵易解禍難神宗曰夏有費不取則為遠人所有不可失也固曰必不得已請聲其罪薄伐之分裂其地使其酋長自守焉神宗笑曰此真鄭生之說爾時執政有言便當直渡河不可留行固曰然則孰為陛下任此者神宗曰朕已屬李憲固曰伐國大事也豈可使宦官為之今陛下任李憲則士大夫孰肯為用乎神宗不悅他日固又曰今五路進師而無大帥就使成功兵必為亂神宗曰大師誠難其人呂公著曰既無其人曷若已之固曰公著言是也初議五路入討會於靈州李憲由熙河入輒不赴靈州乃自開蘭會欲以弭責固曰兵法期而後至者斬今諸路皆進而憲

獨不行雖得蘭會罪不可赦神宗不聽其後師果無功神宗曰朕始以孫固言爲迂今悔無及矣

按夢溪筆談梁乞埋死其子移通繼之謂之沒甯令沒甯令者華言天大王也秉常之世執國政者有嵬名浪遇元昊之弟也最老於軍事以不附諸梁遷下治而死存者三人移通以世襲居長契次曰都羅馬尾又次曰關萌訛略知書私侍梁氏移通萌訛皆以昵倖進唯馬尾粗有戰功然皆庸才秉常荒廢梁氏自主兵不以屬其子秉常不得志素慕中國有李青者本秦人已虜中秉常昵之因說秉常以河南歸朝廷其謀洩青爲梁氏所誅而秉常廢

元豐五年夏六月曲珍敗夏人於明堂川秋九月夏人寇永樂曲珍敗績永樂陷給事中徐禧等死之按宋史神宗本紀春正月庚子責授高遵裕郢州團練副使本州安置辛亥詔再議西討以熙河經制李憲爲涇原熙河蘭會安撫制置使李浩權安撫副使三月壬寅鄭延路副總管曲珍敗夏人於金湯夏四月己未沈括奏遣曲珍將兵綏德城應援討葭蘆塞左右見聚羌落詔從之五月甲辰遣給事中徐禧治鄭延邊事六月辛亥朔環慶經略司遣將與夏人戰破之斬其統軍嵬名姝精嵬副統軍訛勤遇戊寅曲珍等敗夏人於明堂川作天源河秋九月丁亥夏人三十萬衆寇永樂曲珍戰不利裨將寇倬等死之夏人遂圍城乙未詔張世矩等將兵救永樂若戊戌永樂陷給事中徐禧內侍李舜舉陝西轉運判官李稷死之冬十月甲寅知延州沈括以措置乖方責授均州團練副使隨州安置鄭延路副都總管曲珍以城

陷敗走降授皇城使乙丑詔贈永樂死事臣徐禧金紫光祿大夫吏部尚書李舜舉昭化軍節度使並賜諡忠愍李稷朝奉大夫工部侍郎入內高品張禹勳皇城使各推恩賜贈有差十二月丙子錄永樂死事將皇城使寇倬等十三人及東上閤門副使景思誼等九十人有差按夏國本傳五年正月遣使涿州遣書云夏國來稱宋兵起無名不測事端神宗報以夏國主受宋封爵昨邊臣言秉常見爲母黨因辱比令移問事端其同惡不報繼又引兵數萬侵犯我邊界義當有征今彼以屢遭敗衄故遣使詭情陳露意在間貳想彼必以悉察夏人聞此遂不至五月沈括請城古烏廷城以包橫山使夏人不得絕沙漠遂遣侍中徐禧內侍押班李舜舉往議禧復請於銀夏有之界築永樂城永樂依山無水泉獨種諤極言不可禧率諸將竟城之賜名銀川峇禧等還米脂以兵萬人屬曲珍守之永樂接宥州附橫山夏人必爭之地禧等既城去九日夏人來攻珍使報禧乃挾李舜舉來援而夏兵至者號三十萬禧登城西望不見其際宋軍始懼翌日夏兵漸逼禧乃以士萬陣城下坐譙門執黃旗令衆曰視吾旗進止夏人縱鐵騎渡河或曰此號鐵鶴子當其半濟擊之乃可有逞得地則其鋒不可當也禧不聽鐵騎既濟震盪衝突大兵從之禧師敗績將校寇倬李思古高世才夏儼程博古及使臣十餘輩士卒八百餘人盡沒詔李憲張世矩往援及令括遣人與約退軍當還永樂地夏人進侵及縣門潰歸城者決水砦爲道以登夏人因之奔歸於城者三萬人皆沒夏兵圍之者厚數里游騎掠米脂

將士晝夜血戰城中乏水已數日鑿井不得泉渴死者大半括等援兵及餽運皆爲夏大兵所隔夏人呼珍來講和呂整景思義相繼而行夏人兇思義囚之而城圍者已浹旬矣夜半夏兵環城急攻城遂陷高永能戰沒禧舜舉運使李稷皆死於亂兵惟曲珍王湛李浦呂整裸跳走免蕃部指揮馬貴獨誓死持刀殺數十人而沒是役也死者將校數百人士卒役夫二十餘萬夏人乃耀兵米脂城下而還宋自熙寧用兵以來凡得葭蘆良保義合米脂浮圖塞門六堡而靈州永樂之役官軍熟羌義保死者六十萬人錢粟銀絹以萬數者不可勝計帝臨朝痛悼而夏人亦困弊夏西南都統昂星嵬名濟迺移書劉昌祚曰中國者禮樂之所存恩信之所出動止猷爲必適於正若乃聽誣受間肆詐窮兵侵人之土疆殘人之黎庶是乖中國之體爲外邦之羞昨者朝廷暴興甲兵大窮侵討益天子與邊臣之議爲夏國方守先誓宜出不虞五路進兵一舉可定故去年有靈州之役今秋有永樂之戰然較其勝負與前日之議爲何如哉朝廷於夏國非不經營之五路進討之策諸邊肆撓之謀皆嘗用之矣知微幸之無成故終於樂天事小之道况夏國提封一萬里帶甲數十萬南有干闥作我歡鄰北有大燕爲我強援若乘間伺便角力競鬪雖十年豈得休哉即念天民無辜受此塗炭之苦國主自見伐之後夙夜思念爲自祖宗之事中國之禮無或虧貢聘不敢怠而邊吏幸功上聰致惑祖宗之盟既阻君臣之分不交存亡之機發不旋踵朝廷豈不恤哉至於魯國之憂不在顓臾隋室之變生於楊威

此皆明公得於胸中不待言而後喻今天下倒垂之望正在英才何不進讜言開邪議使朝廷與夏國歡好如初主民重見太平豈獨夏國之幸乃天下之幸也昌祚上其書帝喻答之按徐禧傳禧為給事中種諤西討得銀夏有三州而不能守延帥沈括欲盡城橫山瞰平夏城永樂詔禧與內侍李舜舉往相其事令括總兵以從李舜主餽餉禧言銀州雖據明堂川無定河之會而故城東南已為河水所吞其西北又阻天塹實不如永樂之形勢險阨竊惟銀夏有三州陷沒百年一日興復於邊將事功實為俊偉軍鋒士氣固已百倍但建州之始煩費不貲若選擇要會建置堡柵名雖非州實有其地舊來疆塞乃在腹心已與沈括議築砦各六砦之大者周九百步小者五百步堡之大者二百步小者百步用工二十三萬遂城永樂十四日而成禧括舜舉還米脂明日夏兵數千騎趨新城禧亟往視之或說禧曰初被詔相城禦寇非職也禧不聽與舜舉俱行括獨守米脂先是種諤還自京師極言城永樂非計禧怒變色謂諤曰君獨不畏死乎敢誤成事諤曰城之必敗敗則死拒節制亦死死於此猶愈於喪國師而淪異域也禧度不可屈奏誘賊扈異議詔誘守延州夏兵二十萬屯涇原北開城永樂即來爭邊人馳告者十數禧等皆不之信曰彼若即來是吾立功取富貴之秋也禧亟赴之大將高永亨曰城小人寡又無水不可守禧以為沮衆欲斬之既而械送延獄比至夏兵傾國而至永亨兄永能請及其未陳擊之禧曰爾何知王師不鼓不成列禧執刀自率士卒拒戰夏人益衆分陣迭

攻抵城下曲珍兵陳於水際官軍不利將士皆有懼色珍曰禧曰今衆心已搖不可戰戰必敗請收兵入城禧曰君為大將奈何遇敵不戰先自退邪俄夏騎卒度水犯陳鄧延選鋒軍最為驍銳皆一當百銀槍錦襖光彩耀日先接戰而敗奔入城踈後陳夏人乘之師大潰死及棄甲南奔者幾半珍與殘兵入城崖峻徑窄騎卒緣崖而上喪馬八千匹遂受圍水砦為夏人所據掘井不及泉士卒渴死者大半夏人蟻附登城尚扶創拒關珍度不可敵又白禧請突圍而南永能亦勸李舜盡捐金帛募死士力戰以出皆不聽戊戌夜大雨城陷四將走免禧舜舉死之永能沒於陳初括奏夏兵來逼城見官兵整故還帝曰括料敵疎矣彼來未出戰豈肯遽退邪必有大兵在後已而果然帝聞禧等死涕泣悲憤為之不食贈禧金紫光祿大夫吏部尚書諡曰忠愍官其家二十人稷工部侍郎官其家十二人禧疎曠有膽略好談兵每云西北可唾手取俟將帥怯爾呂惠卿力引之故不次用自靈武之敗秦晉圍棘天下企望息兵而沈括種諤陳進取之策禧素以邊事自任狂謀輕敵猝與強虜遇至於覆沒自是之後帝始知邊臣不可信倚深自悔咎遂不復用兵無意於西伐矣按畫境錄永樂之役一日喪馬七千匹城下沙壚中大小團茶可拾也乃是將以買人頭者有人能道夜二更城既陷李舜舉以筆摘略數千百字以蠟蠟固之付有司上之實遺奏也神宗得之不勝悲涕累日是時胡人雖入月城而未偏左右以馬御之舜舉以鞭揮擊不肯上馬少頃僵踰人猶見之李復上馬將

出門失轡或云面上中箭在瓮城內然後黑沸清中面上中箭恐非敵人也獨徐禧不知所歸人無道者或云有還人見之夏國者三五頗符合疑亦有之按東坡志林張舜民言永樂之役李舜舉徐禧李稷皆在圍中上以手詔賜西人若能保全吏士當盡復侵地詔未至而舜舉等已死聖主可謂重一士而輕千里矣惜此等不被其賜也哀哉哀哉舜舉中官也將死以敗紙半幅書其上云臣舜舉死無所恨但願陛下勿輕此賊付一健黠者間走以聞時李稷亦將死書紙後云臣稷千苦萬屈上為一慟然以見二人之賢不肖元豐六年春二月夏人寇蘭州鈴轄王文郁敗之夏五月寇蘭州右侍禁韋定死之冬十月秉常遣使上表復修職貢按宋史神宗本紀六年春二月夏人數十萬衆攻蘭州鈴轄王文郁率死士七百餘人擊走之丙辰以夏人犯蘭州貶熙河經略使李憲為經略安撫都總管以王文郁為西上閤門使知蘭州副使李浩為四方館使三月辛卯夏人寇蘭州副總管李浩以衛城有功復隴州團練使丙申河東將薛義敗夏人於葭蘆西嶺戊戌麟府州將郭忠諒等敗夏人於也離抑部詔行賞有差己亥河東將高永翼敗夏人於眞卿流部夏四月甲子李浩敗夏人於巴義路五月甲午夏人寇蘭州右侍禁韋定死之是月夏人寇麟州知州普虎敗之閏六月乙亥朔夏主秉常請修貢許之戊寅詔陝西河東母輒出兵冬十月癸酉朔秉常遣使上表請復修職貢乞還舊疆按夏國本傳六年二

月夏人大舉圍蘭州已奪兩關門鈴轄王文郁集死
士七日夜絕城而下持短兵突營遂拔去五月復來
圍九日大戰侍禁章定死之乃解去閏六月遣使讓
簡昨迷乞遇來貢表曰夏國累得西蕃征王子書稱
南朝與夏國交戰歲久生靈荼毒欲擬通和緣夏國
先會請所侵疆土不從以來未便輕許西蕃再遣使
散入昌郡丹星等到國稱南朝語言計會但當遣使
齋表自令引起南朝切念臣自歷世以來貢奉朝廷
無所虧怠至於近歲尤甚歡和不意憒人誣間朝廷
特起大兵侵奪疆土城砦因茲構怨歲致交兵今乞
朝廷以大義特還所侵倘垂開納別效忠勤乃賜詔
曰頃以權強敢行廢辱朕用震驚令邊臣往問匿而
不報王師徂征蓋計有罪今遣使造庭辭禮恭順仍
聞國政悉復故常益用嘉納已戒邊吏毋輒出兵爾
亦其守先盟遂詔陝西河東經略司其新復城砦微
循毋出三二里夏之歲賜如舊

元豐七年夏人入寇冬十一月遣使來貢

按宋史神宗本紀七年春正月癸丑夏人寇蘭州李
憲等擊走之夏四月癸巳夏人寇延州安塞堡將官
呂真敗之六月丙子夏人寇德順軍巡檢王友死之
秋九月乙丑夏人圍定西城熙河將秦貴敗之冬十
月乙亥夏人寇熙河乙未夏人寇靜邊砦涇原將彭
孫敗之十一月丁酉朔寇清邊砦除將白玉李貴死
之甲辰夏國主秉常遣使來貢 按夏國本傳七年
正月圍蘭州李憲戰却之六月攻德順軍巡檢王友
戰死九月圍定西城燒倉谷族帳遂以十月攻至靜
邊鈴轄彭孫敗之殺其首領仁多唆丁十二月攻清

遠隊將白玉李貴死之

元豐八年夏四月遣使以先帝遺物賜夏人冬十
月以夏國主母卒遣使弔祭

按宋史神宗本紀不載 按夏國本傳八年三月神
宗崩賜以遺物夏人攻葭蘆供奉王英戰死七月
遣使丁罕鬼名謨鐸副使呂則陳事精等來奠慰十
月遣芭良鬼名濟賴昇壽張率正進助山陵禮物夏
國主母梁氏薨計至以朝散郎刑部郎中杜紘充祭
奠使東頭供奉官閣門祇候王有言充弔慰使夏以
主母遺物來進

哲宗元祐元年秋七月夏國主秉常卒冬十月遣使
弔祭

按宋史本紀云云 按夏國本傳元祐元年二月始
遣使入貢五月遣鼎利罔豫章來賀哲宗即位六月
復遣訛囉聿來求所侵蘭州米脂等五砦使未至蘇
轍兩疏請因其請地而與之司馬光言此邊鄙安危
之機不可不察靈夏之役本由我起新開數砦皆是
彼田今既許其內附豈宜斬而不與彼必曰新天子
即位我卑辭厚禮以事中國庶幾歸我侵疆今猶不
許則是恭順無益不若以武力取之小則上書悖慢
大則攻陷新城當此之時不得已而與之其為國家
之恥無乃甚於今日乎郡臣猶有見小忘大守近遺
遠惜此無用之地使兵連不解為國家之憂願決聖
心為兆民計時異議者衆唯文彥博與光合遂從之
秋七月乙丑秉常即位年三十六在位二十年改元
乾道二年天賜禮盛國慶五年大安十一年天安禮
定一年諡曰康靖皇帝廟號惠宗墓號獻陵子乾順

立乾順惠宗之長子也母曰昭簡文穆皇后梁氏生
三歲即位元祐元年十月以父殂遣使呂則罔聿謨
等來告哀詔自元豐四年用兵所得城砦待歸我陷
執民當盡以給還乃遣金部員外郎穆衍充祭奠使
供備庫使張楫充弔慰使夏遣使進馬馳來賀龍興
節

按遼史夏國傳咸雍五年七月遣使來謝封冊十一
月秉常乞賜印綬九年遣使來貢大康二年正月仁
懿皇后崩遣使報哀於夏以皇太后遺物賜之遣使
來弔祭五年來貢八年二月遣使以所獲宋將張天
益來獻大安元年十月秉常遣使報其母哀二年十
月秉常薨遣使詔其子乾順知國事十二月李乾順
遣使上其父秉常遺物

元祐二年春正月封秉常子乾順為夏國主秋七月
夏人寇鎮戎軍八月以夏國政亂詔諸路帥臣嚴兵
備之夏人寇三川諸砦官軍敗之

按宋史哲宗本紀云云 按夏國本傳二年正月遣
權樞密院都承旨公事劉奉世為冊禮使崇儀副使
崔象先副之冊乾順為夏國主仍節度西平王三月
夏遣大使映吳鬼名論密副使廣樂毛示事等詣太
皇太后進驪馬以謝奠慰七月夏人攻鎮戎軍諸堡
劉昌祚等禦之而退

元祐三年春三月夏人寇德靖砦將官張誠等敗之
夏六月寇塞門砦

按宋史哲宗本紀云云 按夏國本傳三年三月攻
德靖砦諸將米贊邦普戰死詔劉昌祚以涇原萬人
駐德順軍熙河五千人駐通遠軍據秦鳳要害以為

騎角夏人遂攻龜合砦砦兵及東關堡巡檢等戰不利死者幾百人

元祐四年春二月夏人來謝封冊

按宋史哲宗本紀云云 按夏國本傳四年二月始遣使謝封冊六月稍歸永樂所獲人遂以葭蘆米脂浮圖安疆四砦與之而畫界未定遣崇儀使董正叟如京使李玠押賜夏國生日禮物及冬服七月坤成節十二月與龍節皆遣使來賀

元祐五年春二月夏人歸永樂所掠吏士百四十九人

按宋史哲宗本紀云云 按夏國本傳五年六月夏人來言畫疆界者不依綏州內十里築堡鋪供耕牧外十里立封堠作空地例以辨兩國界詔曰已論邊臣如約夏之封界當亦體此冬攻蘭州之質孤勝如堡既而遣使來賀正旦

元祐六年夏四月夏人寇熙河蘭岷岷延路秋八月夏人寇懷遠砦九月寇麟府二州

按宋史哲宗本紀云云 按夏國本傳六年七月遣使來賀坤成節九月圍麟府三日殺掠不計鄭延都監李儀等盡沒

元祐七年冬十月夏人寇環州

按宋史哲宗本紀云云 按夏國本傳七年屢攻經德城以重兵壓涇原境畱五旬大掠築壘於沒烟峽口以自固游師雄請自蘭州李諾平東抵遠遼定西通渭之間建汝遮納迷結珠龍三砦及置護耕七堡以固藩籬移衍請於質孤勝如二堡之間城李諾平以控要害議未決秦鳳都監康謂以爲夏之所以未

臣附而屢肆兵者以我勢分於隄備兵未練而賞罰失當耳若擇銳結伍伺彼之動聚則先擊散則復襲則彼分而我聚以衆擊寡可得志也詔謂諸關而下其事於諸道

元祐八年夏四月夏人來謝罪願以蘭州易塞門砦不許

按宋史哲宗本紀云云 按夏國本傳八年四月復遣使以蘭州一境易塞門二砦詔數其違順不常而却其請

紹聖元年春正月夏人來貢

按宋史哲宗本紀云云 按夏國本傳紹聖元年二月夏進馬助太皇太后山陵復遣使再議易地詔不允

紹聖三年春二月夏人寇義合砦秋八月寇寧順砦冬十月寇鄭延陷金明砦

按宋史哲宗本紀云云 按夏國本傳紹聖三年九月大入鄭延西自順寧招安砦東自黑水安定中自塞門龍安金明以南二百里間相繼不絕至延州北五里十月忽自長城一日馳至金明列營環城國主于母親督桴鼓縱騎四掠知麟州有備復還金明而後騎之精銳者雷龍安邊將悉兵掩擊不退金明乃破守兵二千八百人惟五人得脫城中糧五萬石草千萬束皆盡將官皇城使張愈死之既還畱一書置漢人頭上曰汝汝命爲我投於經略使處其言曰夏國昨與朝廷議疆場惟有小不同方行理究不意朝廷改悔却於坐團鋪處立界本國以恭順之故亦照

勉聽從遂於境內立數堡以護耕而鄭延出兵悉行

平蕩又數數入界殺掠國人共憤欲取延州終以恭順止取金明一砦以示兵鋒亦不失臣子之節也延師呂惠卿上於樞密院而不以聞初哲宗聞夏人來寇泰然笑曰五十萬衆深入吾境不過十日勝不過一二砦須去已而果破金明引退

紹聖四年春正月涇原都鈐轄王文振率諸將破沒煙峽新砦二月夏人復攻綏德鄭延戰退之

按宋史哲宗本紀紹聖四年春正月甲午涇原路鈐轄王文振敗夏人於沒煙峽二月癸亥黑汗王攻夏人三州遣其子以聞丙寅夏人寇綏德城三月壬戌夏人犯麟州神堂堡出兵討之及進築胡山砦庚午夏人大至葭蘆城下知石州張構等擊走之辛巳西上閣門使折克行破夏人於長波川斬首二千餘級獲牛馬倍之夏四月庚子知保安軍李沂伐夏國破洪州于寅環慶鈐轄張存入鹽州俘戮甚衆及還夏人追襲之復多亡失甲辰置克戎砦平夏城置靈平砦 按夏國本傳四年正月涇原都鈐轄王文振率諸將破沒煙峽新砦斬獲三千餘級二月夏復以七萬衆攻綏德鄭延將兵戰退之 元符元年冬十二月涇原路畱夏國統軍鬼名阿理等

等

按宋史哲宗本紀云云 按夏國本傳元符元年十二月涇原折可適掩夏西壽統軍鬼名阿理監軍妹

勒都通獲之彗星見乾順赦國中 按范純粹傳純粹代兄純仁知慶州時與夏議分疆界純粹請棄所取夏地曰爭地未棄則邊隙無時可除知河東之葭蘆吳堡鄭延之米脂義合浮圖環慶之安疆深在夏